

謹將 王祖越國公咸豐七年奉
旨勅加封號全案列後



咸豐七年閏五月二十三日咨

安徽巡撫部院咨文

欽命三品京堂總理徽州等處防勦善後事務張 爲咨請事竊

照咸豐七年閏五月初九日據歙縣紳耆馳封京畿道監察
御史許琪等呈稱竊惟古之有盛德者必通百世而祀神之
著靈貺者宜邀異等之封捍患禦災俎豆之盛惟潔保忠勸
節絲綸之典加隆矧風馬雲車迭昭感應而黃山白嶽益壯

加封全案稿

聲威者乎茲查徽州深在萬山地氣高寒神多靈驗故自咸
豐五年二月十三日賊匪越嶺內竄以來迄今三載戰凡數
十無不隨時擊退者據拏獲奸細及被擄民人供稱賊營中
每與我兵接仗之際驚傳輒見白衣神人身長丈餘手揮巨
刃兵馬擁護出自城中賊衆見之頓覺失措故多敗走又稱
五年二月二十二日賊由篁墩經過入一祠廟相與錯愕忽
若諸人悉遭神譴悚懼出廟叩頭而遁並有徽州不可輕犯
等語蓋郡城烏聊山有汪王廟其神最靈每值示現多著白
衣賊人所見神兵出自城中定係邀王助佑若篁墩祠宇則

爲程忠壯公之廟賊人經過仰覩神像忽生恐懼相與羅拜
非實有所見何震懼若斯其爲公顯靈保佑邦族以警羣迷
尤無疑議琪等謹案程忠壯公諱靈洗新安人始梁侯景之
亂力捍州里元帝因命以郡事以故此邦之人得免於禍陳
高祖名位旣著公爲佐命上將卒贈鎮西將軍諡曰忠壯當
時論其功烈因以定配高祖廟庭而鄉人追思其義亦相與
祀之不忘宋時屢著靈異累封至忠烈顯惠公元泰定四年
特封忠烈王明洪武三年欽降徽州府春秋致祭其子武毅
將軍諱文季死節於周諡曰威悼亦著靈感宋德祐間追封

加封全案稿

二

忠護侯並詳見南史陳書及郡邑諸志又按汪公名華新安
人當隋之亂以捍衛鄉里爲己任保有六州境內之民得道
鋒鏑唐高祖授之方牧封之越國邦人思其義在在立廟祀
之水旱疫癘有禱輒應宋時累封至昭忠廣仁武神英聖王
賜廟忠烈元順帝改封昭忠廣仁武烈靈顯王明太祖頒給
榜文特昭崇敬均載史乘諸書茲幸賊匪遠竄闔境獲安凡
我鄉人咸感護庇請於程汪二公

欽加徽號以答神庥至忠壯公子威悼公可否從祀之處亦冀仰

恩澤庶愚頑敬畏加虔地方永臻靜謐等情合詞懇請咨

奏前來本京堂看得程汪二公生著勳庸歿猶赫濯屢顯靈異

歷代加封稽核史書確有可證茲因賊匪內竄率衆攻城復

昭風馬之祥卒弭干戈之變羣黎邀庇闔境蒙庥相應請

錫封號以答神貺爲此據情咨請

貴部院察核具

奏施行須至咨者

安徽巡撫福濟片再准張芾咨稱據歙縣封職許琪等呈稱
該縣自咸豐五年被賊竄擾卽經擊退迄今三載逆蹤屢至

加封全案稿

三

無不受創而回壘據拿獲奸細及被脅民人供稱賊與官兵
接仗時輒見白衣神人身長丈餘手揮巨刃兵馬擁護出城
故皆驚潰又供五年二月內賊由篁墩經過入一祠廟相顧
錯愕羅拜而去遂有徽州不可輕犯之語蓋城內烏聊山有

汪王廟每值示現多著白衣而篁墩有程忠壯祠均屬靈異
著稱久垂史志汪名華當隋之季捍衛鄉里保有六州唐高

祖封之越國有禱輒應宋時累封昭忠廣仁武神英聖王賜

廟忠烈元時改封昭忠廣仁武烈靈顯王程名靈洗侯景之

亂力捍鄉邦梁元帝命以郡事陳初爲佐命上將卒贈鎮西

將軍謚忠壯配享陳高祖廟宋時累封忠烈顯惠公元時特

封忠烈王其子武毅將軍文季死節於周謚曰威悼亦著靈

應迨封忠護侯以上二祠歷朝崇奉茲獲迭邀佑助闔境獲

安屬在鄉人咸思報德等情請奏前來臣查汪程二姓為徽

郡大族其始祖生能禦患歿又顯靈秋報春祈千秋廟食今

又揚威冥漠境內蒙庥自應籲懇

天恩晉加封號並將程文季從祀先祠以彰我

皇上敬神恤民之至意附片具陳伏乞

聖鑒謹

加封全案稿

奏七月初三日奉

硃批禮部議奏欽此

八月二十三日禮部奏稿

禮部謹

奏為遵

旨議奏事咸豐七年七月初五日內閣抄出安徽巡撫福濟片奏

神威顯應請加

封號一摺於本年七月初三日奉

硃批禮部議奏欽此欽遵到部臣等查原奏內稱安徽徽州府歙

縣自咸豐五年被賊竄擾迄今三載逆蹤屢至無不受創而回迭獲賊匪據供每與官兵接仗時輒見白衣神人身長丈餘手揮巨刃兵馬擁護出城故皆驚潰又供五年三月內賊出篁墩經過入一祠廟相顧錯愕羅拜而去遂有徽州不可輕犯之語蓋城內烏聊山有汪王廟篁墩程忠壯祠均屬靈異久垂史志按汪名華宋時累封昭忠廣仁武神英聖王賜廟忠烈元時改封昭忠廣仁武烈靈顯王程名靈洗宋時封忠烈顯惠公元時特封忠烈王其子文季宋追封忠護侯等

賦性情由該撫奏請

加封全案稿

五

加封並將程文季從祀先祠等因到部惟未將志書送部備查當經行查國史館去後茲於八月十三日覆稱查一統志內載南北朝陳書程靈洗海甯人侯景之亂保黠歛聚徒以拒景梁元帝封爲巴邛縣侯後歸陳武帝授蘭陵太守以功封重安縣公卒謚忠壯靈洗子文季累官臨海太守隨章昭達征梁以功加通直散騎常侍又隨吳明徹圍壽陽齊軍深憚之後隨明徹軍敗死節唐汪華歛人大業之亂應募平寇有功郡人請攝刺史以鎮一方武德四年籍土地民兵奉表於唐封越國公又祠廟門載世忠廟在歛縣篁墩祀陳程靈洗忠

烈廟有三其一在歙縣烏聊山祀唐汪華等因前來臣等查
定例各直省志乘所載廟祀正神實能禦災捍患有功德於
民者由各督撫奏請

勅封

封號交內閣擬撰等語今安徽所祀之程靈洗汪華既據該撫轉
據該官紳等僉稱廟祀有年史志備載迭邀佑助闔境獲安
核與禦捍災患之例相符臣等公同酌議擬如該撫所請

勅加封號並請將程文季從祀程靈洗祠以昭靈貺而順輿情如

蒙

加封全案稿

六

兪允臣部移文內閣撰擬各封號字樣進呈

欽定後由臣部移咨該撫遵照辦理爲此謹

奏請

旨八月二十三日奉

旨依議欽此

十月初十日咨

安徽巡撫部院咨文

禮部爲頒發事先經本部議覆安徽巡撫福 奏徽州府歙

縣汪程二神均請

勅加封號一摺於咸豐七年八月二十三日奏本日奉

旨依議欽此當經抄錄原奏移會內閣典籍廳撰擬各封號字樣

去後今准內閣交出徽州府歙縣汪神封號字樣奉

硃批圈出襄安欽此程神封號字樣奉

硃批圈出惠孚欽此相應知照該撫欽遵辦理可也爲此合咨

貴部院請煩查照遵行須至咨者

咸豐八年正月二十二日咨

三品京堂張 咨文

安徽巡撫部院福 爲咨會事咸豐八年正月十八日准

加封全案稿

七

禮部咨祠祭司案呈先經本部議覆安徽巡撫福 奏徽州

府歙縣汪程二神請

勅加封號一摺於咸豐七年八月二十三日奏本日奉

旨依議欽此當經抄錄原奏移會內閣典籍廳撰擬封號字樣去

後今准內閣交出徽州府歙縣汪神封號字樣奉

硃筆圈出襄安欽此程神封號字樣奉

硃筆圈出惠孚欽此相應知照該撫欽遵辦理可也等因到院准

旨此除行司移道欽遵外相應咨會爲此合咨

貴京堂請煩查照遵行須至咨者

謹將先後免徵 部禁祠墓全案列後

同治八年九月初七日 戶部請禁呈詞

具呈翰林院編修汪鳴鑾吏部主事汪文樞刑部主事汪正

元工部主事汪鴻遠呈爲援案懇

恩申禁事竊職等籍隸安徽省徽州府緣四十四世祖唐封

越國公諱華生當隋末保障六州奠安疆圉長安鼎定奉土

編旨以歸封爵錫圭授之方牧歷朝均以捍患禦災迭膺褒封昭

忠廣仁武烈靈顯王賜廟額忠烈欽縣地方祠墓五處稅畝

免徵明著典冊我

免徵部禁案稿

朝悉仍其舊崇報尤隆歲命有司三祭登諸祀典乾隆五年道

光二十七年疊經工部題奉

諭旨咨行安撫取具地方官防護祠墓無誤結冊報部存案咸豐

七年安撫以神威顯應奏請

勅加封號經禮部議覆內閣撰擬進

呈奉

硃筆圈出襄安二字欽此

國恩昭垂至優至渥伏查康熙五十九年職姓官京師支裔環籲

戶部咨行督撫轉飭府縣嚴禁軍民人等在免徵祠墓等處

侵擾當蒙允准施行在案乃因兵燹以來碑碣不無殘闕豪
猾漸生覬覦本年三月間至有府胥楊良玉在於吳清山墓
側創設油榨朝夕撞擊震傷地脉職族歷控各憲旋蒙飭令
押遷給示永禁惟後患宜防其復萌而舊章當思乎恪守職
等備員

輦轂近接族衆來函實深木本水源之念爲此援案連名公籲
大部俯准查照康熙五十九年成案咨行兩江督憲安徽撫
憲轉飭本地方官剴切申明加禁毋許軍民人等在免徵祠
墓基地再行侵擾庶幾封塋由茲鞏固神宇得以奠安萬派

免徵部禁案稿

支丁盡蒙

大德千秋廟祀永沐

皇仁理合將祠墓免徵稅畝五處抄單併康熙乾隆道光年間舊
案刊本取具同鄉官印結粘連呈遞伏乞
大部恩准施行實爲德便謹

呈

九月十二日奉 批照咨

計粘單

免徵祠墓山地五處

雲嵐山汪王墓

歙縣入都四圖一甲汪公墓戶山地稅八畝一角十六步

靈山院汪祠

歙縣二十一都一圖十甲靈山寺戶地稅四畝一分

烏聊山忠烈廟

徽州府城東峰山地稅七畝零

吳清山汪公廟

歙縣一都二圖九甲吳山廟戶山地稅九分七釐九毫

崇福寺汪祠

免徵部禁案稿

歙縣十一都二圖崇福寺汪祠戶地稅三畝七釐八毫山稅

二分五釐

九月十三日咨

兩江總督部堂
安徽巡撫部院 咨文

戶部為咨行事江南司案呈據翰林院編修汪鳴鑾等呈稱

為援案懇恩申禁事竊職等籍隸安徽省徽州府緣四十四

世祖唐封越國公諱華生當隋末保障六州奠安疆圉長安

鼎定奉土以歸封爵錫圭授之方牧歷朝均以捍患禦災迭

膺褒封昭忠廣仁武烈靈顯王賜廟額忠烈歙縣地方祠墓

五處稅畝免徵明著典冊我

朝悉仍其舊崇報尤隆歲命有司三祭登諸祀典

云照原呈云全敘至

取具同鄉官印結粘連呈遞前來相應行文兩江總督安徽巡撫轉飭該地方官遵照歷屆部中成案嚴禁軍民人等毋許侵擾雲嵐山靈山院烏聊山吳清山崇福寺等五處汪姓祠墓免徵墓地如敢恃強故違卽行按例究治以妥神靈而懲豪猾可也相應咨會爲此合咨

貴部

堂院

請煩查照施行須至咨者

十二月初五日欽縣奉

部文給示勒石

免徵部禁案稿

四

欽賜藍翎五品銜代理徽州府歙縣事儘先補用縣正堂加六級

紀錄十二次汪

爲遵札出示嚴禁事奉

府憲梅

札奉

分巡道憲李

札開奉

兩江總督部堂馬

札開同治八年十一月初二日准

戶部咨江南司案呈據翰林院編修汪鳴鑾等呈稱職等籍

隸安徽省徽州府遠祖唐封越國公諱華生當隋末保障六

州歸土唐室歷朝以捍患禦災迭膺褒封八字王爵賜廟額

忠烈欽縣地方祠墓五處稅畝免徵我

朝悉仍其舊崇報尤隆歲命有司三祭登諸祀典乾隆五年道
光二十七年疊經工部題奉

諭旨咨行安撫取具地方官防護祠墓無誤結冊報部存案咸豐
七年安撫以神威顯應奏請加封欽奉

恩旨加封襄安封號欽此

國恩昭垂至優至渥伏查康熙五十九年職姓官京師支裔環籲
戶部咨行安撫飭禁強豪侵佔在案乃因兵燹以來碑碣不
無殘闕豪猾漸生覬覦本年三月間至有府胥楊良玉在吳
清山墓側創設油榨震傷地脈職族歷控各憲旋蒙飭令押

免徵部禁案稿

五

遷給示永禁惟後患宜防其復萌而舊章當思乎恪守爲此
援案公籲俯准查照成案行文兩江督憲安徽撫憲轉飭本
地方官再行加禁毋許軍民人等在祠墓五處違例侵擾庶
幾封塋鞏固神宇奠安併將祠墓免徵稅畝抄單康熙乾隆
道光年間舊案刊本取具同鄉官印結粘連呈遞前來相應
行文兩江總督安徽巡撫轉飭該地方官遵照歷屆部中成
案嚴禁軍民人等毋許侵擾雲嵐山等五處汪姓祠墓免徵
基地如敢恃強故違卽行按例究治以安神靈而懲豪猾可
也等因到本部堂准此查此案前據編修汪鳴鑾等來較具

稟請禁卽經批令該道飭縣押令楊良玉將榨坊卽日遷徙併由道再行出示嚴禁旋據該道申覆楊良玉榨物業已遵飭遷移併將原稟呈繳嗣據楊良玉來轅具呈又經批道飭縣押令卽速遷移不准延宕如敢故違卽提案從嚴究懲各在案准咨前因合再札行該道卽便轉飭遵照辦理仍報明撫部院查考等因奉此當查此案前據汪姓支丁汪紳等呈請示禁當經給示禁止旋據該姓支丁稟呈

督憲批飭押令楊良玉將榨坊遷徙併奉加示嚴禁均經申覆

免徵部禁案稿

六

督憲在案嗣據署歙縣宗令申覆飭差押令楊良玉將榨物遷移去後又據楊良玉稟以榨物遵飭遷移盡淨現剩空屋具呈切結申報前來又經申覆

督憲亦在案茲奉前因除報明

撫憲查考外合亟札飭札到該府立即轉飭歙縣遵照歷屆大部成案嚴禁軍民人等毋許侵佔雲嵐山等五處汪姓祠墓免徵地基如敢故違卽行按例究治仍飭將府胥楊良玉榨坊物件是否遷徙盡淨據實稟覆毋任再延等因又奉

署按察使司王 札奉

署撫部院英 札開准

戶部咨同前由各到府奉此合併札飭札到該縣立卽遵照
部行

憲札示禁辦理毋違切特札等因下縣奉此查此案前據
編修汪紳等控奉

督撫批發

臬憲抄示札府飭縣嚴禁軍民人等不准再在雲嵐山等處
侵擾等因前縣未及遵辦卸事茲奉前因合併遵札出示嚴
禁爲此示仰該處軍民人等知悉自示之後毋許再在雲嵐

免徵部禁案稿

七

山靈山院烏聊山吳清山崇福寺五處地方汪姓祠墓一帶
免徵基地侵佔擾害以妥神靈倘有不法之徒恃強違抗許
汪姓支丁及捕保人等立卽指名稟

縣以憑提案究治決不稍寬其各慎遵毋違特示

謹將先後免徵 部禁各祠墓次第列後

三十一世江南始祖漢龍驤將軍諱文和公暨夫人孫氏

葬新都郡西九里邵石山卽今浙江嚴州府清安縣小金

山俗呼美女拋梭形祠墓均於光緒二十年呈奉 戶部

咨行示禁

三十二世祖漢弭寇將軍諱軫公暨夫人李氏

葬新都郡前都督山卽今浙江嚴州府清安縣治前光緒

二十年呈奉 戶部咨行示禁

三十三世祖漢湘東郡太守封新都侯諱澈公暨夫人方氏

免徵部禁案稿

葬安徽徽州府歙縣東八里吳清山祠墓均世奉 免徵

康熙五十九年奉 戶部咨行示禁乾隆五年道光二十

七年迭奉 工部咨行取具地方官防護無誤結冊存案

同治八年呈奉 戶部咨行示禁

三十六世新安始祖晉黟縣令諱道獻公暨夫人胡氏

葬安徽徽州府歙縣東八里吳清山祠墓均世奉 免徵

康熙五十九年奉 戶部咨行示禁乾隆五年道光二十

七年迭奉 工部咨行取具地方官防護無誤結冊存案

同治八年呈奉 戶部咨行示禁

三十七世祖晉除寇將軍諱恭公暨夫人胡氏

三十八世祖晉甯遠將軍諱統公暨夫人程氏

二墓合葬安徽徽州府歙縣西鄉向景山均於光緒二十

年呈奉 戶部咨行示禁

三十九世祖宋富春令諱元爽公暨夫人程氏

葬安徽徽州府城內烏聊山忠烈廟前世奉 免徵康熙

五十九年奉 戶部咨行示禁乾隆五年道光二十七年

迭奉 工部咨行取具地方官防護無誤結冊存案同治

八年呈奉 戶部咨行示禁

免徵部禁案稿

四十世遷登原始祖宋軍司馬諱叔舉公暨夫人 許氏

葬安徽徽州府績谿縣東十里登原唐金山嘉慶七年奉

府縣各憲示禁十五年奉 縣憲清公勒碑示禁道光七

年奉 縣憲王公勒碑示禁光緒二十年呈奉 戶部咨

行示禁

四十三世祖隋海陽令陳封戴國公諱僧瑩公暨夫人鄭氏

葬安徽徽州府績谿縣東十里登原唐金山嘉慶七年奉

三府縣各憲示禁十五年奉 縣憲清公勒碑示禁道光七

年奉 縣憲王公勒碑示禁光緒二十年呈奉 戶部咨

行示禁乾隆二十年統宗譜載葬雲嵐山待考

四十四世祖唐封越國公加封襄安王諱華公暨夫人 氏

葬安徽徽州府歙縣北七里雲嵐山祠墓並烏聊山靈山

院崇福寺二處祠廟均世奉 免徵康熙五十九年奉

戶部咨行示禁乾隆五年道光二十七年迭奉 工部咨

行取具地方官防護無誤結冊存案同治八年呈奉 戶

部咨行示禁

四十四世祖唐封開國公諱鐵佛公暨夫人洪氏

葬安徽徽州府績谿縣東十五里登原白鶴山光緒二十

免徵部禁案稿

年呈奉 戶部咨行示禁

四十五世祖歷封崇和衍烈公諱爽公暨夫人戴氏

葬安徽徽州府績谿縣東十里登原七塔古磚井邊光緒

二十年呈奉 戶部咨行示禁

四十五世祖歷封崇惠衍慶公諱俊公暨夫人羅氏

葬安徽徽州府績谿縣東十里登原汪村西盤園光緒二

十年呈奉 戶部咨行示禁

登原題詠畧

光緒丙申秋月
仿聚珍板印於
東作門敦叙祠

竹莊先生事略

同邑胡培系子繼撰

先生汪氏名澤字手存竹莊其別號也世居績谿之東作門
其先世環川龍田台峯諸先生皆前明名宿先生以明經接
武前賢嘗手訂遺稿凡若干卷名曰汪氏家學集家從兄竹
郵農部實爲之序先生淡於榮利終歲杜門不出經史子集
罔不研究尤長於考證人有以疑義就質者大叩大鳴小叩
小鳴無不得其意以去所著有竹莊讀書記竹莊經解竹莊
詩文集字學考據梁安姓氏考諸書咸豐之難傾城逃竄先
生獨留賊至欲屈之先生怒眦欲裂指天畫地爭以大義卒

登原題詠畧

事略

以身殉而所著書遂散失無存矣惜哉亂後余於舊篋中檢
得康熙朝高大立明府績谿雜感詩一卷以先生曾爲箋注
郵寄其壻余勉齋大守爲刻於浙中亦威鳳之一毛驪龍之
片甲也近有以先生行誼問余者余嘗從竹郵農部遊得粗
悉其梗概並述所聞諸里中父老者而筆之以略存先正風
軌於萬一云

登原題詠略序

登原為華陽勝迹越國汪公之城宅在焉城宅後有公父母
及高祖父母墓談佳城者以為江南第一自宋以降名士題
詠甚多耳目所及哀為一集袁公郡守所書之墓道碑文郁
熊二明府所撰之事□□□上暨朱公賦范公成大洪公侃
諸記竟佚登原題詠曰略者明耳目所及有限尚冀洽聞之
士□□□□也是為序

道光七年臘月二日越國後裔績溪東作門澤謹識

登原題詠畧

序

卷之十

士

精

趙

滿

吳

登

登

登原題詠畧目

卷首

歷朝題詠姓名爵里二十一條

卷一

歷朝文十二首

卷二

歷朝詩二十一首

卷三

道光丁亥雜文五首

登原題詠畧

總目

附錄

雜文四首

卷一

歷朝文十二首

卷一

歷朝文精拔合韻里二十一條

卷首

登原題詠畧目

登原題詠畧卷首目錄

歷朝題詠姓名爵里二十一條

宋七人

蘇文定 崔德符 羅東山 李御史 汪康範

汪明府 汪希顏

元二人

唐山長 舒貞素

明七人

朱大同 程節騷 程篁墩 汪御史 汪東峰

登原題詠畧 目錄

胡孝廉 汪南溟

國朝五人

吳廣文 高明府 周廣文 趙易門 汪鈍齋

元二人

汪明府 汪希顏

蘇文定 崔德符 羅東山 李御史 汪康範

宋七人

歷朝題詠姓名爵里二十一條

登原題詠畧卷首目錄

登原題詠略卷首
越國後裔 澤輯 從孫溥原族孫聲遠同校訂
歷朝題詠姓名爵里二十一條

宋七人

蘇文定公名轍字子由眉山山人年十九與兄軾同登仁宗嘉祐二年進士又同策制舉授商州軍事推官徙大名神宗初改三司條例屬官後坐兄軾以詩得罪謫監筠州鹽酒稅五年不得調元豐末移知績溪縣哲宗卽位召入爲右司諫遷起居郎中書舍人進戶部侍郎權吏部尙書拜御史中丞尋

登原題詠畧

卷首

罷知汝州移知袁州未至降秩分司南京筠州居住又責化州別駕雷州安置移循州徽宗卽位徙永州又徙岳州已而復大中大夫提舉上清太平宮尋又降秩罷祠居許州再復大中大夫致仕築室於許號穎濱遺老卒年七十四追復端明殿學士清熙中謚文定著有變城等集九十六卷
崔德符名鷗雍邱人從父昆徙居潁州陽翟元祐間登進士第除鳳州司戶參軍筠州推官徽宗朝以日食上言帝覽而善之調相州教授蔡京得政目爲邪人坐廢政和中始調績溪令頃之以病免歸居汝州之陝城閉門凡十餘年宣和末

通判寧化軍尋召爲殿中侍御史欽宗卽位徙右正言以疾求致仕詔直龍圖閣提舉崇福宮未拜而卒晚號婆婆老人著有婆婆集三十卷行於世

羅東山名汝楫字彥濟歙人政和二年登進士第爲郴州教授紹興八年召監登聞鼓院除大理寺丞刑部員外郎拜監察御史遷殿中侍御史又遷起居郎兼侍講又遷御史中丞兼侍讀尋又遷吏部尙書紹興十四年以龍圖閣學士知嚴州秩滿請祠歸著有東山藁

李御史名遇長樂人端平中以承議郎知績溪縣事禮賢修

登原題詠畧

卷首

二

政官蹟與蘇黃門崔正言埒後累官御史

汪康範先生名暉字處微績溪西園人越國公後裔結廬環谷顏其堂曰靜觀積學不仕時推大儒及卒績溪令李公遇率諸生誄其行於學宮而私諡之曰康範先生德祐中追贈通直郎著有環谷集一卷環谷者績溪南五里山名也汪明府名沈未詳何許人汪氏家乘載沈忠烈廟文二首稱沈嘗宰績溪然績溪縣志中未見其人

汪希顏名復婺源之環珠里人越國公後裔兩登寶慶景定間第仕至朝奉郎通判揚州入元後潔身自隱卒年七十八

唐山長名元孫未詳何許人汪氏家乘曾梓其登原詩一首
寄貞素先生名頓字道原績溪市北人至元丁丑江東憲使
辟爲貴池教諭秩滿調丹徒至正庚寅轉台州路學正以道
梗不赴歸隱山中明興屢召不出名所居曰貞素自作小傳
擬晉之陶淵明云卒年七十有四著有貞素齋集八卷

明七人

朱大同名同欽之石門人楓林先生子洪武中舉明經爲徽
州府學教授尋舉人材授吏部司封員外郎累陞禮部右侍

登原題詠畧

卷首

三

郎坐事廢著有覆瓿集

程節愍公名通字彥亨績溪市西人年十四補縣學生踰寇
貢入太學洪武庚午舉應天鄉試時以貢士與廷對稱旨親
擢第一授遼府紀善累進左長史靖難後論死

國朝乾隆中 賜諡節愍所著有貞白齋遺稿十卷

程篁墩名敏政字克勤別號篁墩休甯之陪郭人十歲以神
童薦召憲宗喜其早慧命讀書翰林院尋登成化丙戌進士
第二人授職編修歷遷少詹事孝宗卽位雅重其學行特呼
先生而不名俄而有忌之者詔致仕尋召還轉詹事遷禮部

右侍郎入內閣崇典誥勅己未春主考會試以鬻題被誣致
仕未行而卒贈禮部尙書賜祭葬著有新安文獻志百卷篁
墩集九十卷

汪御史名澐字源潔世居績溪登源越國公第八子忠祐侯
後裔也成化戊戌進士授江西玉山縣知縣以廉能召入爲
福建道監察御史尋丁內艱歸卒於家

汪東峰名元錫字天啟婺源之大阪村人占籍休甯越國公
後裔正德辛未進士選給事中世宗初陞大僕寺卿久之以
直言罷歸家居凡十四年以薦復官擢都御史巡撫江西入

登原題詠畧

卷首

四

爲戶部侍郎賜祭葬贈尙書有東峰遺稿行世

胡孝廉先生名天齡字希仁名其所居曰晚翠軒遂以自號

績溪龍川人隱居教授文行卓絕陳白沙獻章顏其門曰通

德以比漢之鄭康成卒年八十有八門人私謚曰孝廉先生

初講學於潁濱書院後講學於綠照亭從遊多知名士著有

詩集行世

汪南溟名道昆字伯玉南溟其號也歛之千秋里人越國公

後裔嘉靖丁未進士授浙江義烏縣知縣歷福建兵備副使

以禦倭寇功賜金綺者三陞按察使進右僉都御史巡撫福

建罷歸尋起撫鄖陽旋晉右副都御史撫湖廣神宗立召爲
兵部右侍郎轉左侍郎丐歸終饗著有大函集

國朝五人

吳廣文名之騫字耳公歙人儀徵籍康熙中官績溪教諭

高明府名孝本字大立浙江秀水人康熙辛未進士官績溪

知縣明府成進士出新城司寇之門詩古文辭尤爲司寇所

賞著有績溪雜感詩一卷

周廣文名天式字師潢長洲人乾隆九年仕爲績溪教諭

趙易門名繼序休甯人乾隆辛酉舉人文行兼優旣沒通郡

登原題詠畧

卷首

五

人士追論其學祔至於紫陽書院配食朱子云

汪鈍齋名銅字允堅婺源之大畈村人越國公後裔乾隆甲

午舉人

高世奇字本若大立潛耳永水人

吳璽字子之舉字巨公

汪南陽字正人字伯玉

吳鴻字君

吳璽字子之舉字巨公

吳璽字子之舉字巨公

登原題詠畧卷一目錄

宋文五首

請登原忠烈廟文墓文

病愈祭謝汪王文文

登原廟祈雨文宋軍行溫墓斬劍

登原廟謝雨文

基德亭碑銘

元文三首

登原祖廟疏

登原題詠畧

目錄

重建登原廟碑

錄照亭記

明文四首

調登原祖墓記

新都汪氏遷祖劉宋軍司馬墓碑陰

登原祖墓立碑祭文

清明日祭登原祖墓文

宋文正首

登原題詠畧卷一目錄

登原題詠略卷一

越國後裔 澤輯 從孫溥原族孫聲遠同校訂

歷朝文十二首

宋文五首

謁登原忠烈廟文

蘇轍 謚文定

轍以不才忝臨民社謹因舊禮拜謁祠下神仁愛民恭率神

意不敢不勉神亦時節風雨驅除癘疫以佑相我治

病愈祭謝汪王文

蘇轍

神有功於斯民世享廟祀轍來長是邑卽神舊邦蒙神之庥

登原題詠畧

卷一

雨暘以時稼穡大熟賦役畢具獄訟衰少才短政緝何以獲

此僥倖所成旋致疾癘寒熱爲瘡下逮兒女更相播染臥者

過半迄茲痊損自夏及秋中間禱禳神不厭瀆率保康乂皆

神之恩茲用恭致薄禮以謝不敏敢告驅除瘴癘時節風雨

使民不告病而吏與蒙貺

宋 登原廟祈雨文

汪 沈

沈爲吏於此今三年矣然旱歲亦有之惟今秋之旱其害爲

甚民不得不憂吏不得不懼也吏之治民一切從事於謹繩

墨督租賦而已內無私於己外無私於物果陰積罪戾敢以

言罔神顧禱於神而求澤於民其誠心殆可見矣傳曰非人
實親惟德是輔伏惟尙饗

登原廟謝雨文

汪 沈

自夏涉秋久愆甘澤吏之憂民莫知所措輒以身禱於神曰
吏或有罪願神誅之吏苟無罪願神聽之以救民早晷日而
雨大作咧澮通流苗禾勃興野夫田老交口相慶謂神之賜
也夫神之感應如此非特救民之旱蓋亦表吏之無罪矣神
之有靈能表吏之無罪民而有之其可負吏乎民或負吏是
亦負神

登原題詠畧

卷一

基德亭碑銘

汪 復 希顏

上卽位之三年正月十日始見帝於郊禮成誕敷祭澤曰忠
臣烈士節婦義夫墓域之在境內者有司封護之如章績溪
令臣更考圖乘登原之岡有唐越國汪公之祖墓參之汪氏
家譜則劉宋軍司馬諱叔舉暨其配許氏江氏之阡於越國
公爲高祖父母也按譜實葬歙縣登嶺前白楊坑東山下績
溪故歙境唐永泰中始析置司馬宋人葬當未析置前故譜
以歙書三月辛卯令謁墓下父老子弟咸在春雨方霽日色
舒遲吏民拜泥潦中俎豆盞斝亦置之茅竹荒僻之地令曰

吾之職也不恭神明何以塞明詔且越公之靈久而彌光吏民方切依賴於先隴可不用吾之職乎先是今鄰州使君俊儀趙公孟适爲縣日亦嘗款茲墓因爲亭以表之今令建安李君乃欲於四楹稍大其址使時節有事得以展布簿餘杭史君中立和之邦人士庶翕然響應營度於是月壬寅以四月丁丑卽告竣事凡糜金百七十萬粟二萬役夫丁五百亭修四十尺廣有修之半輦趙公舊所爲亭綴之於前巖以扁鐫周以欄楯而榜之以基德之亭又揭是亭之門曰劉宋軍司馬汪公暨元配許氏夫人江氏夫人之墓凡皆成趙公引

登原題詠畧

卷一

三

而不發之功以廣上恩意者如此復竊伏惟唐武德貞觀間號稱勳臣者多矣祠廟墳墓今皆昧昧無所聞我先王之事傳記或異重費名卿賢士爲之考辯乃今圭幣徧六州封爵越五等雲嵐衣冠之藏千載之下過者必式如此可以觀德矣武德貞觀諸臣一身之祀尙不能永我先王猶及被聖朝憫師之典尙延三世非世德之盛何以得此理宗黃帝寶祐五年詔書褒贈故臣華之曾祖父母爲通侯小君訓詞曰福必有基爾其富山之基歟歛之不盈方寸舒之則塞乎宇宙守之不間一息放之則達乎四海蘊之於身爲德及於人爲

福先王英武中正爲德滋篤仁施之普福流千祀大哉聖模
推其基歸之於厥祖時趙公實贊書之式告於登原家廟顧
瞻其先隴而言曰富山之基誰知其址此四世之遺阡乎國
家法令典故贈襚及其不可及者乃存其基殆示其積德
越國三世俱被卹章而其不可及者乃存其基殆示其積德
之所始也不有以表之無以彰其德此趙公爲亭之初事今
李公又從而增飾之而名以基德復故謂成趙公未畢之志
而廣兩朝之恩其誰曰不然復忝冑屬居旁邑同郡從兄性
實爲郡博士以書徵予銘予不敢辭而系以詩曰匪基曷攷

登原題詠畧

卷一

四

云誰荒之嗟彼登原越公之基宰木蔚芳德之敷蕤篤生越
公司馬基之德基此墟越公考之今封爾基尙其曷而匪穀
來裔爲民所依 咸淳三年丁卯五月朔環珠支裔孫從政
郎復撰并書

元文三首

登原祖廟疏

舒 頓道原

伏以英雄定難拔劔輔翼於李唐威武顯靈錫號寵光於趙
宋赫王封之八字巍廟食於六州惟我乳水登原賞齊司馬
陵寢爲藏祖之故地建奉王之專祠旣殿庭久燬於劫兵賴

明良再謀乎棟宇雲車鐵馬神光烜赫於前朝虎略龍韜功
蹟播揚於令典民有水旱疾疫禱之默從國無凶荒札瘥護
之惟厯茲聖主欲重新建造而賢令擬復舊完成正殿聳雲
霄大采小桷之攸用粧樓鏤烟霧深閨邃閣之適宜前後亭
臺要使行人喝采東西廊廡須教觀者點頭小道人不免抄
題大夫士慨然樂助况朝廷下蠲免之詔貧富優游而廟宇
乃成就之年公私吉慶五風十雨兆嘉穀之穰穰百子千孫
祝民家之世世福緣有自功德無邊謹疏

重建登原廟碑

舒頌

登原題詠畧

卷一

五

登原廟者越國汪公之神之祠也公生而岐嶷美髭髯好武
事以勇俠聞叔父寶歡爲隋將深器之當隋之季也天下大
亂高祖起大原受命有唐公秉山川之雄提三尺劍奮不顧
身柄六郡握萬衆旗導旌指悉歸號令武德三年庚辰潛遣
其弟宣城長史鐵佛走長安申款誠明年九月甲子奉表歸
唐高祖以制褻之曰汪華往因離亂保據州鄉鎮靜一隅以
待甯晏識幾慕化遠送款誠宜從褻寵授以方牧可使持節
總管歙宣杭睦婺饒六州諸軍事歙州刺史上柱國越國公
食邑三千戶貞觀二年入覲授左衛白渠府總軍十七年改

忠武將軍行右衛積福庫折衝都尉明年太宗征遼遷九宮
留守駕還偉其功二十三年薨於長安享年六十有四永徽
三年歸葬歛之雲郎山按事實公四世祖叔舉字鵬遠宋武
帝大明間爲軍司馬年九十八卒葬登嶺白楊坑鵬遠生泰
泰生勳明勳明生僧瑩陳文帝天祐初爲海甯令遷郡長史
而公生焉於戲公負忠勇之氣保塗炭之民識天命之歸達
君臣之義仁知兼諺威惠並至宜其歿而爲神廟食百世以
祛疾癘以福我民可謂靈也矣宋累追封至昭忠廣仁武神
英聖王廟賜忠烈元改封昭忠廣仁武烈靈顯王廟之廢興

登原題詠畧

卷一

六

不知其幾復燬於至正壬辰之亂我朝龍興奄有海寓凡名
山大川忠臣烈士祀典實嚴神乃復唐舊封洪武八年許之
長葛唐侯由宏州來令我邑甫期政修民化邑以善治稱越
明年夏秋之交續歛俱早侯卽虔告祠下甘澍輒應是年獨
境內大稔民咸曰耿耿神之賜也侯所致哉未幾奉旨凡祀
典神祇廟宇或敝或廢咸一新之侯乃蠲潔謁祠下致敬環
視高下莽焉邱墟遂惻然審諸耆老曰廟燬久不治則毗祈
日慢禎祥弗降實爲神羞於是無遠近咸相與剪榛翳畚瓦
礪度材惟奇命工惟良卜日惟吉衆手並作殿視舊規宏敞

壯麗翬飛翼然丹堊煥然像貌巍然羣峰拱於前一水環其
下林木蒼鬱幽巖獻奇真神明之居也庶可揭虔妥靈況水
旱疾疫有禱必應生養休息皆蒙廕庇唐迄今七百餘歲
綿綿烝嘗是孰使之然耶保障六郡民不知兵功孰大焉奉
籍受命埽除姦兇忠孰大焉經曰仁者必有勇又曰未有義
而後其君者神亦有之昔周穆王得八駿西巡樂而忘歸徐
偃王有朱弓赤矢之瑞四方諸侯賓貢者三十六國其後偃
王不忍鬪其民北走彭城武原山百姓從者萬餘家偃王卒
鑿石爲室以祀至今香火不絕漢祖之興吳王芮以功封長

登原題詠畧

卷一

七

沙光武之起公孫隗器矜已飾知卒至土崩南越尉陀奉詔
稱臣黃屋左纛俱廟食百世與公之於唐其功烈固赫奕當
時之民祀而祝之者惟恐弗及况我績邑實神明桑梓之邦
而登原又邛陵之勝者乎宜其邦人思之愈久而愈不忘也
綠照亭在廟之東俯瞰潭洞虛敞高明修籐古木遊鱗可觀
適足以滌煩慮絕塵想侯皆新之剏始於是年十一月辛巳
明年四月工旣訖功大享於庭民欣然曰穹哉惟休乃相與
請文以勒諸石侯名昊字彥昭主簿高彥誠北平人

忠烈廟旣成乃具牲享神人協和以燕以樂酒半唐侯彥昭
欣然謂衆曰聞昔有亭曰綠照俯臨大溪凡遊觀者咸於是
憩士大夫之來或燕飲詠歌其上觀山川之雄景物之勝亦
興起而樂焉茲廟庭適成斯亭不可不構功虧一簣奚以美
稱衆曰諾不日而亭告成梁棟榱桷堅是尙弗侈弗隘於
遊觀也始稱於是復置酒其上以酬其工惟時東皇謝事節
屆麥秋時雨乍霽旭日曛曛嘉禾菀茂翠陰拂檐環流湛深
虛潭澄碧羣山隱約於几席之外萬綠移照於尊罍之間黃
鳥交交游魚隊隊令人意緒翛然心與景會物我兩忘若飛

登原題詠畧

卷一

八

仙之遊浮邱也迨其夕陽墜晚烟起漁歌樵唱互答迭響丹
靑滿目煥然天成髣髴王維之富輞川也於是衆復執爵謝
曰廟與亭苟完矣非侯之力不如是之壯觀也神其貺之侯
曰不然非予之功諸公相與扶持之力神明默相惟多今四
方息兵革之聲朝廷無事幸得與諸公優游而樂於此亭者
聖天子之賜也或曰水可以鑑形不能鑑人之心侯心如水
清澈不撓物至無遁妍媸畢照然則治民之暇又能事神以
成厥功亦政之善也夫他日立大功爲國家棟梁以福天下
民思慕不忘亦將如神之百千世而悠久也侯掀髯一笑曰

毋予期予姑去迂老舒頤獲陪斯燕慶其事功之成乃爲之
歌曰登原之東神明之宮溪環清流不激不衝新亭翼翼庇
于椅桐參天蔽日蒼翠重重昔扁綠照今成厥功我侯所創
兮靡有他址不可廢兮飛甍峩峩騷人墨客兮來遊來歌長
篇短調兮若奏雲和魚川泳而鳥雲飛兮清陰婆娑前郵烟
雨兮樵笠漁蓑青黃接畝兮高下麥禾政化所及兮於理則
那聲諸詩兮紀侯來過勒豐碑兮永矢弗磨

明文四首

謁登原祖墓記

汪元錫天啟

登原題詠畧

卷一

九

我祖劉宋軍司馬叔舉公葬績谿登原四世而生越國公華
隋末嘗稱吳王後奉版圖歸唐諸子皆列爵土我新安汪氏
之盛實本乎此尙書胡康惠公富績谿人也詣予曰子拜司
馬墓乎曰未也世有賢子孫不識祖墓者乎予甚慚予後以
都給事中充冊封使過家取道甯國至登原敬謁墓下祠僧
示予墓前古株木曰是樹枯槁百年今漸長枝葉公族其復
興乎又十年丙戌弋陽宗人翰林侍講代狩徽甯等處約予
同至登原比見株木蓊蓊然如傘蓋狀僧又曰樹益盛矣今
念我汪氏自唐以來衣冠代不乏人今日觀之是又一大盛

也物與人皆地氣所產卽物以占夫庸非理之常哉昔我司馬公官寓新安過臨溪可其水遡溪而入三十里見登原之勝喟然曰此陶公牛眠也遂棄官僑居焉歿卽葬斯耶形家謂之將軍踏弩汪村者公之所居也與墓隔溪越國公兄弟旣顯散居四方而汪村變爲墟耶頽垣露瓦中耕者時得箭鏃之類豈天地靈氣發泄已極終當祕藏耶爰述所聞與今所見記之以告後者無忘胡康惠公之讖也

新都汪氏遷祖劉宋軍司馬墓碑陰

汪道昆伯玉

漢置新都郡治始新江南汪氏始祖龍驤將軍爲始新令十

登原題詠畧

卷一

十

世孫諱叔舉則司馬公由始新遷登原卒葬於此公生於晉仕於宋歿於齊其墓承亥就壬中形家法本支百世受王侯公卿其一居守不遷副使溥御史澄其後也墓入先朝祀典稅歸王祖廟戶古碑不存太守董公乃更立裔孫兵部左侍郎道昆考之宗祏誌之碑陰

登原祖墓立碑祭文

汪道昆

維公神武鎮茲都邑山川環鬱卜居此室篤生孫子難與休匹王侯將相世守不失重立斯碑太守曰石其功歸何司馬之力敬陳薄奠以昭罔極惟靈來格百福攸集尙饗

清明日祭登原祖墓文

汪道昆

萬曆十八年歲次庚寅三月癸酉之朔越十七日戊子節屆
清明裔孫道昆躬率近屬謹以柔盛牢醴致祭於遷祖劉宋
軍司馬汪公夫人許氏暨同墓列祖之神曰邱墓臯如世守
千祀履茲雨露用展孝思櫛俎在筵皇祖來格尙饗

登原題詠畧

卷一

十一

于脈劉茲雨露恩風春恩解世亦豈皇脈來赫尙饗

軍司馬汪公夫人許氏暨同墓列祖之神曰邱墓臯如世守

清明裔孫道昆躬率近屬謹以柔盛牢醴致祭於遷祖劉宋

萬曆十八年歲次庚寅三月癸酉之朔越十七日戊子節屆

登原題詠畧卷二目錄

宋詩八首

初到績谿視事三日出城南謁汪王廟偶成呈諸同官

辭靈惠廟歸過新興院書其屋壁

勸忠樓

題登原廟壁二首

登原廟畱題賡蘇頌濱韻

次韻李明府上事初謁登原廟用蘇黃門韻見示

次韻葉子真賢良畱題登原先廟

登原題詠畧

目錄

元詩二首

登原

綠照亭

明詩六首

題登原綠照亭

題綠照亭和韻

登原有汪王祖南齊司馬墓及王廟廟後有綠照亭有

宋詩八石洞用故侍郎朱大同先生韵示同遊仁里諸宗人

題綠照亭壁示同學諸子

謁登原祖墓

國朝詩五首

度登嶺至登原洞觀劉宋軍司馬汪叔舉墓及明少保胡

宗憲尙書胡富祖墓還憩王氏山莊

績谿雜感三十首之一

遊登原綠照亭次胡孝廉先生原韻

汪王故城

謁軍司馬公墓

登原題詠畧

目錄

汪王故城

謁登原祖墓

國朝詩五首

度登嶺至登原洞觀劉宋軍司馬汪叔舉墓及明少保胡

宗憲尙書胡富祖墓還憩王氏山莊

績谿雜感

遊登原

謁軍司馬公墓

登原題詠略卷二

越國後裔 澤輯 吳郡從孫溥原族孫聲遠同校訂

歷朝詩二十一首

宋詩八首

初到績谿視事三日出城南謁汪王廟偶成呈諸同官

蘇轍

石門南出衆山巔沃壤清溪自一川老令舊諳田事樂春耕

正及雨晴天可憐鞭撻終無補早向叢祠乞有年歸告仇梅

省文字麥苗含穗浴蠶眠

登原題詠畧

卷二

辭靈惠廟歸過新興院書其屋壁

蘇轍

來時稻葉針鋒細去日黃花黍粒麤久病終慚多做政豐年

猶喜慰耕夫青山片片添紅葉綠水星星照白鬚東觀校讎

非老事眼昏那復競鉛朱

勸忠樓

蘇轍

聞說驪龍睡九淵覺來頭角去升天官封越國三千戶血食

黟川五百年錦軸尙標唐歲月彩樓重見宋山川收藏石匣

非無意留與江南野史傳

登原題詠畧二首

羅汝楫 彥濟

孤隋顛覆僅綿延，亂極神堯未奮前。
堅保里閭姑待定，遽歸圖籍信知權。
寵褒尚喜絲綸在，疏舛難憑簡牒傳。
考實辨疑書素壁，九原遺憤爲公宣。

凜然精爽古英雄，生此崎嶇澗谷中。
地勝發祥誇故宅，時移降福仰靈宮。
均調甘澤資農事，密掃妖氛助戰功。
牢落雞豚祠奉薄，璽書沓至帝恩隆。

登原廟留題賡蘇穎濱韻

李遇

穿雲荷插上雲巔，帶雨呼牛度晚川。
一抹荒城孤隴外，數聲啼鳥落花天。
靈旗來下今無恙，社酒相傳古有年。
但得時和

登原題詠畧

卷二

二

少公事一簾畫景枕書眠

次韻李明府上事初謁登原廟用蘇黃門韻見示

汪暉處微

緩引前訶度嶺巔，真祠猶鎮舊山川。
懸知幽德如存日，更有孤忠合老天。
雙鳥爐香祈一稔，兩詩題詠播千年。
民安政善神應喜，桑蔭兒童犢背眠。

次韻葉子真賢良畱題登原先廟

汪暉

文皇當日伐遼東，授鑰忠勳畱禁中。
違命加誣非信史，新詩昭雪有奇功。
陰兵猶可殲克悖，甘澤還能作歲豐。
他日或提

遷固筆刪修訂實望研窮

元詩二首

登原

唐元孫

山如介冑水鳴絃古廟堂堂樹拂天一點忠心明夜月千齡
英氣集爐烟欲將汪譜茅茨問猶喜唐封寶軸傳多少遺民
歌且舞頻分甘雨過平田

綠照亭

舒頌

亭亭登原山上有綠照亭下瑩百尺潭樹木冬夏青官僚時
登眺毛髮亦洞照不用投以膠肝膽自同調許侯登科入胸

登原題詠畧

卷一

三

次藏經綸又似亭下水清澈無與倫酌酒別遠道天子有明
詔

明詩六首

題登原綠照亭

朱 同大同

登原洞裏石如屋綠照亭前水作湖溪聲繞座驚風雨山色
入欄供畫圖身世幾時歸澗谷林泉何地不蓬壺高朋盡日
追遊樂莫厭沾衣雨載途

題綠照亭和韻

程 通彥亭

綠照亭前景物都向人何用說西湖雨餘春樹翠如染雲淨

曉山青可圖近水有窗先得月憑欄無客不提壺莫辭爛醉
扶歸去王道於今似坦途

登原有汪王祖南齊司馬墓及王廟廟後有綠照亭有

石洞用故侍郎朱大同先生韻示同遊仁里諸宗人

程敏政

千載吾王此舊都登原流水綠成湖斷碑邱壘收雲氣長劍

風塵憶壯圖山隔遊亭開綠照雲封仙洞似蓬壺聯鑣英俊

來應慣路轉峰迴不問途

唐金山

汪澄源潔

登原題詠畧

卷二

四

唐金山下霧溟溟一片紗籠萬樹青便欲移家山下住門開

日日對重屏

題綠照亭壁示同學諸子
胡天齡希仁

樹陰巖碧繞清湖綠照亭光古不污潭底鏡涵天地影亭邊

松蔭晦明圖莫教山徑生茅塞直把水輪浸玉壺齊道濯纓

休濯足怎如方寸不糊塗

謁登原祖墓

汪道昆

縉雲都將相赤社啟王孫華表當關起祈連賜地存一邱餘

冢樹百代繫蟠根多少長陵土難招故國魂

國朝詩五首

度登嶺至登原洞觀劉宋軍司馬汪叔舉墓及明少保

胡宗憲尙書胡富祖墓遺憩王氏山庄

吳之騷耳公

朝霧亦已歛出郭眺晴川石梁接幽徑春澗水涓涓不知前
峰峻身漸據其巔羣山峙西北積雪自相連坤輿方照耀日
月老迴旋俯視林木間斂翮鶴猶眠上嶺復下嶺傍溪見人
烟此中有佳城發祥竟千年鬼神同守護松柏何森嚴吁嗟
越國公保障口赫然靈爽不可變陰雨戰旗鮮少保有雄風

登原題詠畧

卷二

五

將略豈薪傳鯨鮓雙就戮海波自此恬君家更多才尙書亦
安邊溪山孕麟鳳珠玉輝巖泉石屋俯潄浚脩魚出淪漣雲
間數峰見峭壁多摩天墟里尙如昨衣冠誰象賢安能作寂
寂甘讓祖生鞭沉吟日將夕村叟競攀牽酒光成琥珀嘉蔬
亦爭妍野貺情懷厚班荆禮數捐諸生多豹隱勉種南山田
我醉且歸去風雨來山前

續谿雜感三十首之一 高孝本 大立

越公英武姿世亂思拯濟坐鎮歙州城千里受控制江表紛
割據不敢相睥睨武德戎衣定上書願入衛豈作井底蛙以

致民疲敝六州千萬戶恬然干戈際惟公保鄣功廟食宜世
世村各立社祈月必刲羊祭有子俱燕頤昂昂九兄弟衣冠
半東南皆曰雲祔裔所居登原鄉巍然樹碑碣遺墓山嵯峨
故壘水溶瀾我來拜公祠牲璧爲公瘞願公錫民福豐樂歲
相繼

遊登原綠照亭次胡孝廉先生原韻

周天式 師潢

淵原有本溯鶯湖證性澄心自不污靜徹半泓希聖鏡清涵
四壁樂天圖春融士子風披座道映門牆水在壺生晚苟存
洗濯志亭留遺照未糊塗

登原題詠畧

卷一

六

汪王故城

趙繼序 易門

古木蒼藤外依稀表故城每經風雨夜猶聽甲兵聲水湧將
軍井山連刺史營英雄發軔處憑弔不勝情

謁軍司馬公墓

汪 鋼 鈍齋

新秋雨霽訪碑陰基德亭前草木深憑眺六朝封版地松楸
登嶺已千尋

半東南皆曰雲祔裔所居登原鄉巍然樹碑碣遺墓山嵯峨

故壘水溶瀾我來拜公祠牲璧爲公瘞願公錫民福豐樂歲

相繼

登原題詠畧卷三目錄

道光丁亥雜文五首

請各族人訟登原墓樹帖

祭祖文敘

祭軍司馬公墓文

祭忠烈廟文

登原廟訪古記

附錄雜文四首

重修登原祖墓記

登原題詠畧

目錄

登原祖墓立碑欽縣休甯旌德各派祭文

登原祖墓立碑六族及績谿附近各派告文

登原祖墓立碑六族及績谿附近各派告忠烈廟文

祭軍司馬公墓文
祭忠烈廟文
祭祖文敘

請各族人訟登原墓樹帖

道光丁亥雜文五首

登原題詠畧卷三目錄

登原題詠略卷三

越國後裔 澤撰

從孫溥原族孫聲遠同校訂

道光丁亥雜文五首

請各族人認登原墓樹帖

敬啟者我汪氏

四十世祖劉宋軍司馬叔舉公墓地在績谿東七里登原唐

金山

麟州稱白楊坑元人貞素先生登原廟碑亦稱白楊坑今依徽州府志及績谿縣志稱唐山

山勢壁

立前濱大溪一岡橫巨狀若眠弩形家呼為將軍踏弩實

越國開國二公高祖也

登原題詠畧

卷三

一

越國公父母墓在其左郡守四明袁公為書神道碑二墓並

峙地額三百一步樹墓檟百數十株墓前半里許

越國公之遺宅在焉

公保障六州歿而為神土人即宅奉烝嘗榜曰忠顯公之

故宅世謂之登原廟

宋政和中賜廟額曰忠顯厥後累封至八字王改賜廟額曰忠烈詳載府縣俱

志初住羽流今住釋子守廟兼守墓也廟與墓之前後左右

通計田地山三十四畝有奇悉付住廟人收執其稅在十一

都二圖六甲登原廟戶解納汪村梧桐兩族之圖甲也

越國公九

子第九諱獻早死無後仍八子其七子散居四方惟第八子諱後留居汪村世守祠墓前明副使公溥侍御公澹其後也

汪村者越國公所產之地土人因以姓配村其後子孫有析居於梧村者兩村相去里許中隔登水實祇一家詳見越國公行狀及軍司馬公墓碑陰該處村民每歲花朝日迎廟神祭賽祈福號

曰八社賽花朝汪村梧村兩族亦與焉夫今日之神廟固曩日之故宅而汪氏之耶墓實神明所發祥

越國公遺愛在六州六州之民不能忘

越國公者亦安能忘

公之

父母及其

高祖父母耶朔八社尙在桑梓之區邇來人心不古妄生覬

登原題詠畧

卷三

二

覲墓木往往被守廟者盜伐近墓諸族屢加救護不勝紛擾
嘉慶七年淮安宗人廷珍以翰林學士奉

命督學皖江按試徽郡道出績谿會檄守令出示封植墓檟十五
年同郡海陽宗人閣學滋晚

予告歸里復鳩各宗紳士狀請績谿令清公勒碑嚴禁樵蘇今歲

季夏突有喪心狂夫倡爲浮言汪氏雖復千枝萬派實皆散

居四方近墓諸族夫奚能爲於是守廟和尙竟敢率僧俗

十數人伐我墓木四五尺圓圍者十有一株蓋自盜伐興訟

以來未有侵害若斯之甚也向猶暗盜茲則明伐控於縣官

猶肆猖狂不知何所恃而如此伏念吾輩力綿才薄誠如狂
夫所譏然

祖宗相傳千餘年墓地何忍坐視斤斧焉而莫之保護耶

司馬公子孫蔓延天下抑豈無一人能堪此事耶敢述緣由

用告於

執事請卽束裝來續谿商議辦理

公局在續谿南
十里雄路鎮

開國
公祠

廟宅久爲衆姓祈祝耶墓斷非衆姓所可與願

執事

各興水原木本之思無吝 玉趾

數十世祖宗神靈實嘉賴之謹啟

時道光七年七月九日

登原題詠畧

卷三

登原祭祖文二首并敘

祭祖文敘

續谿東七里有山曰唐金登水環其前因名曰登原中有我

汪氏

四十世祖劉宋軍司馬公墓暨

四十三世祖隋海陽令追封戴國公墓二墓相去五丈餘實

唐越國公之

高祖父母與其

父母也墓前半里許

越國公之城宅在焉志乘家所謂汪王故城者也宋時勅建
爲忠烈廟專祀

越國公士人呼爲登原廟崇祀

公

父母於廟後土人呼爲廟後太王廟與墓之前後左右通計
汪氏田地山凡三十四畝有奇墓木百餘株舊時俱付守廟
人收執隣村諸社每歲以花朝日祭

越國公號曰八社花朝時代旣遠守廟者不常厥人汪氏故
地悉歸八社久之遂冒爲伊地卽近墓諸族習焉不察亦莫

登原題詠畧

卷三

四

有過而問者丁亥初秋突有無知狂夫假修廟爲名率率廟
僧伐墓木四五尺圓圍者十有一株詰之則曰吾以修廟也
且八社地非汪地也咄哉斯言伐高祖之墓木以修元孫之
廟貌

越公神靈其何以安隋唐之際

越公能據有六郡之土地而保其民人曾先世之耶墓而尙
有待於後世之八社輪助乎於是徽郡六縣汪氏之子孫聞
知此事咸來展墓本之譜牒稽之志乘參以鱗冊渙然復見
茲山本來面目也控於官伐木者自知無所逃罪屬里中父

老議和願歸地於汪而自刑牲祭墓夫汪氏尊祖入社敬神
原無所怨惡伊既自知其罪矣斷以律無可恕推其情尙可
原也遂許之是歲仲冬旬又八日也越翼日汪氏子孫肅衣
冠恭祭墓下禮畢遂祭於廟頒胙於郡守縣令儒學博士及
父老之來和者子孫之與祭者是役也雖賴守令之賢明與
父老之善於排解然而一訊而服官無屢詰之勞民有息爭
之美實我

越公之神威有以震動其本心而裁抑其邪志也祭器悉做
古爲之辦祭者裔孫歛縣諸生善詞

績谿縣工曹椽史

登原題詠畧

卷三

五

爲河王祭者休甯縣進士忠均祭文二篇皆澤恭撰

祭軍司馬公墓文

維

皇清道光七年歲次丁亥十一月壬寅朔越旬有九日庚申裔孫

某敢以少牢恭祭於

四十世祖劉宋軍司馬叔舉汪公墓下於戲一邱冢樹百代

蟠根登水唐山慶衍孔繁維

公盛德允奠茲墳曾孫戴國一坏與隣秉此靈秀篤生偉

人六州保障福國庇民鬱彼松楸垂蔭千春迺或蚩蚩妄肆

斧斤控於當道清厥本原華陽古墓南朝片雲胥蠶豐融永
保子孫尚饗

祭忠烈廟文

維

皇清道光七年歲次丁亥十有一月壬寅朔越旬有九日庚申裔

孫某敢以羊一豕一庶羞之物三十六食兩敦羹一登一銅

酒一樽一壺冥帛百端冥衣裳一襲恭祭於

四十四世烈祖登原忠烈廟越國汪王之神惟王生爲英

雄死爲大神於赫保障功在榆枌六州香火烏奕千春繫

登原題詠畧

卷三

六

王先世駿烈清芬 戴公胄子 司馬元孫 司馬戴公

墓是登原山靈水秀聿鍾 王身千年坏土冢樹常存孰不

愛敬敢肆棘矜瞿瞿狂夫妄覩我樊尋自悔悟刑牲奠墳而

我後裔亦聚雲仍剖羊擊豕環拜墓門遂敬告 王潔茲簋

尊悠悠故宅肅肅明禋 王神降只有元其雲飄風先驅凍

雨灑塵靈衣簫鼓其樂欣欣歆此飲食福我後人豈惟後人

施於州民尚饗

登原廟訪古記

忠烈廟在軍司馬公墓前半里許平岡下唐金山峙其北登

水環其南其山川雄壯有龍蟠虎踞之勢廟門臨通衢跨衢
左右建轅門二額各署曰登原洞關廟門之楣署曰登原祖
廟入廟門二十餘步設重門焉如古天子之有應門古諸侯
之有雉門近代各官衙之有儀門矣門上作樓極宏敞登臨
四望衆山環列登水波濤洶湧英氣逼人自門內霽至於階
祀中間空庭奚啻百步望之曠如階上爲汪王殿大書忠烈
廟三字揭於兩梁間擬其形勝如朗月高懸而河漢清淺而
星斗環拱也如大將登壇而旌旗鮮明而士卒擁衛也殿制
四阿重檐有巖有翼楣殿間署書者凡五版曰靈應如響曰

登原題詠畧

卷三

七

威振六州曰百代精英曰山河永祀曰福國庇民殿後地形
稍高拾級而上如樓閣然中奉戴國公暨戴國夫人二像署
其北壁曰越國豐芑攷之志乘此地當爲勸忠樓今樓額乃
懸廟前之右矮屋中不知誰何所妄改也綠照亭在廟後之
左今圮亭旁有名洞廣容數百人林木蒼翠登水至此滙而
爲潭山水掩映綠光四照前明龍川胡孝廉先生曾講學其
中基德亭者宋績谿令浚儀趙公所建以爲軍司馬公墓祠
者也咸淳中李公又從而廣大之族祖星源環珠里希顏先
生爲之銘李公建安人亦績谿令亭久圮故址不可攷或曰

在廟右未知然否要之墓之前廟之後荒茅蔓草中髣髴近
是矣惟汪王保障六州海陽萬歲之山有故宮焉後復徙治
於歛之烏聊山下而茲廟乃其始基之地當日引弓遠射矢
所墜處適當形勝遂築城而宅其中千秋萬世知英魂猶戀
故鄉也神歲久益靈民之奉之也歲久益嚴宜哉澤家績谿
城南去登原十里而近顧以無事未獲一造其區今歲仲冬
旬有九日通郡汪氏子孫大事於茲墓禮成遂事於廟澤陪
諸宗老趨踰其間因得縱覽登原之勝事畢歸來援筆撰次
用諗來哲

登原題詠畧

卷三

附錄雜文四首

重修登原祖墓記

出嶺谿之華陽門迤邐而東不數里有登嶺焉崎嶇百折高
出雲表嶺盡石徑紆回水複山重令人忘路之遠近久之
小嶺自上而下俯仰天地眼界一空但覺色蒼蒼而石壁峻
峭也聲潺潺而溪流蕩漾也再轉爲由徽之浙孔道道左古
木團團如傘蓋狀約百數十株器勳初過此嘗疑之乃披荆
而入則見苔封碑碣兩古冢隱約於茅竹薜蘿間迫而察之
果我叔舉公暨僧瑩公墓所也叔舉公生於晉仕於宋歿於

登原題詠畧

附錄

齊官劉宋軍司馬僧瑩公襲陳封戴國公官隋海陽令實我
四十四世祖襄安王之高祖與父也拜謁之餘歆歎良久竊
嘆我先人封爵越五等支派徧天下迄今千四百有餘歲其
間功勳彪炳代不乏人而以科第文章顯當時者尤指不勝
屈何至於此本原之地而竟寂寂若斯耶求其故子姓析居
四方者衆而近墓俟裔經寇亂又寥落若晨星每歲清明祭
掃僅拈瓣香循行故事是勢使然也器勳每欲狀其事告海
內同宗而集貲修整之定期祭祀之以夙夜在公有志未逮
會幾何時分內之願未償而意外之虞忽至歲壬辰突有無

知愚民在墓切近大開金井墓丁止之不可得乃白於附近
守墓之六族而我東作門實在六族中即日馳往省視以圖
阻救至則王氏程氏之柩已作負嶠計矣理以爭之其人如
不聞鳴諸保亦不之顧且曰我葬我地彼汪姓洵洵胡爲者
計無如何以公函招各處支裔訟曲直於公庭族叔品鴻先
生實領袖之賴守令賢明四閱月而起遷之案決器勳乘間
謀於衆曰害除矣其如利未興何於是請部禁則宦京支裔
任之籌捐款則歛邑支裔任之而督修墓之工程則我東作
門與梧桐村支裔共任之越明年春乃興工事畢大告於墓二

登原題詠畧

附錄

墓坐壬向丙相距五丈餘各環以白石三匝如堅壁然各列
以白石方丈如平鏡然其正中者計周圍六丈墜二尺有四
寸墓後題曰齊故新安遷祖宋軍司馬叔舉汪公夫人許氏
江氏之墓偏左者周圍較短一丈五尺墜似之墓後題曰四
十三世祖隋海陽令襲封戴國公僧瑩汪公夫人鄭氏之墓
二碑皆乾隆四十年所立今因其舊而增高焉墓蔭之外復
拓地數弓置先後禁碑凡五方道旁兀立護以木欄俾往來
行人無不知爲六朝勝蹟也是役也器勳雖始終與其而命
工之良用財之當則我品鴻先生之力暨諸宗人參贊爲多

試爲回憶興訟之初蓋猶不幸中之一幸耳顧器勳謂事期
久遠祭祀在所必興且墓前平岡下有汪玉故城宋時改建
爲忠烈廟廟後祀王父母爲勸忠樓故址族祖竹莊先生託
之甚詳同治丙寅被水患正殿巋然獨存殆王靈爽實式憑
之歟是又不能不以承先啟後之責厚望於將來也

光緒二十二年春月東作門五十二世孫器勳謹撰

登原祖墓立碑欽縣休甯旌德各派祭文

維

皇清光緒二十二年歲次丙申三月旣望越祭日辛酉之辰裔孫

登原題詠畧

附錄

皇朝詠詩大川等謹以剛鬣柔毛庶饒酒醴之儀致祭於

劉宋軍司馬諱叔舉汪公夫人

江氏暨

陳封戴國公諱僧瑩汪公夫人鄭氏之墓前而言曰於昭我

祖積德累仁慶流子姓靈佑黎民子姓發祥黎民崇福百世

馨香千秋尸祝唐山者由宇與區羣峯拱向一水縈紆粵

考前聞當年我祖嘗道臨溪奇其逆水探登原勝曰是牛

眠辭官家此樂土初遷隔水一溪所居成聚是曰汪村辛勤

啟宇厚基旣植靈氣斯鍾篤生顯祖唐室封公派衍支繁越

國開國共此淵源永懷先德歷朝褒錫推崇所生墓前享廟

勅建前明績紀太常典垂秩祀威烈殊榮有光青史

皇仁稠疊

恩澤覃敷封墓護隴禁彼樵蘇入社人民羣沾神佑豈惟子孫馨
香俎豆春祈秋報習若典常時移歲易幾閱滄桑道光之年
廟僧伐木謀出隣人爭端攸伏官司剖晰稅業清釐爰重申

禁立以豐碑咸同之間屢經寇亂族姓流離播遷大半奸人

乘隙以力經營妄思侵佔遂有王程程王無知全功盡棄得

不償失以身嘗試英英謀士人之無良玉蘊於山而發其光

吉縱圖貪天亦汝覆欲蓋彌彰起遷之速旣清墓側重整墳

登原題詠畧

附錄

四

周綢繆完固土石興修族裔宦京上呈戶部文下有司嚴懲
外侮頒茲禁示勒以碑文樹之周道俾其知聞芟刈荆榛培
封兆域佳氣蔥蘢休延無極尙 饗

西溪裔孫鳴珂謹撰

登原祖墓立碑六族及續谿附近各派告文

維

皇清光緒二十二年歲次丙申三月旣望越旬有一日辛酉裔孫

名儒等謹以剛鬣柔毛敢昭告於

四十世祖劉宋軍司馬諱叔舉汪公夫人 許 江氏暨

四十三世祖陳封戴國公諱僧瑩汪公夫人鄭氏之墓前而言曰於戲六朝耶墓萬代雲仍支分派衍先德克承粵稽我祖晉宋之間遡臨溪水入唐金山廼卜牛眠於茲山下隔水爲家官辭司馬天錫神隴忠骨斯埋一坏左側 戴國與偕秀氣所鍾篤生人傑保障六州功高唐室墓前半里汪王故城前明改建俎豆薦馨年年報賽蘋藻惟修是曰花朝入社輪流粵匪竄境神兵助戰入字褻封復遯

恩眷淵源有自開國聯芳一門忠義於以顯揚道光初年有僧若俗斧斤妄加了丁伐木經我族裔控於當道排亂解紛功歸

登原題詠畧

附錄

五

父老墓門封禁幾閱星霜曰安曰海氣勢愈強歲次壬辰冒恩眷雨興工侵佔盜葬貪吉忘凶附近六族責有攸歸馳書布告星夜如飛子姓散處阻於關河徽甯兩郡到者實多先呈邑侯後達邦伯判以起遷奸謀乃白寬其既往警其將來籲請部禁勒石山隈纍纍古冢重整規模自茲絕迹牧豎樵夫有酒其旨有香其清于萬斯年祀事孔明尙 饗

登原祖墓立碑六族及績谿附近各派告忠烈廟文

維...

皇清光緒二十二年歲次丙申三月既望越旬有一日辛酉裔孫
名儒等謹以犧牲玉帛黍盛酒醴之儀虔祭於

四十四世祖唐封越國公宋元累封昭忠廣仁武烈靈顯王
皇朝勅封襄安王之神伏以英雄發軔祠宇常留桑梓之邦山水

鍾靈本源宜重松楸之地維我 先王歸圖志潔守土功高

侯封開九派之祥尸祝享萬家之祀六州保障審幾皆謀國

之忠八社謳歌坐鎮亦佑民之德况績邑登原之勝蹟實薄

海汪氏之先塋緬六朝山色凝青壯圖宛在看歷代碑文篆

碧錫號常存是宜雅詠流連弔墓頻來季子詎意貪謀遽發

登原題詠畧

附錄

六

移山竟有愚公乃安宅之不居程志忽海波兮交作王邦海枝

枝節節有平空起事之憂子子孫孫作不共戴天之誓賢哉

令尹尹明遠嫌則據實詳陳恩本如春春大悔過則從寬免

究千百載牛眠自穩五十日虎負難容古冢纍纍一新蔓草

荒烟之局面豐碑兀兀重表累仁積德之源頭棍風景以堪

懷快雲仍之畢聚靈爽之憑依無恙不震不驚神明而昭告

宜周以妥以侑恭逢大事藉展微忱敢告

東作門裔孫邦佐謹撰

